

Computer a pone homber perde cabez Intencionalmente homber a manda mokete den barica di dama na estado

ORANJESTAD (AAN): Despues di merdia tabatin problema na un adres den Stamperstraat, tur esey relaciona cu un computer.

Segun e version na yegada na e direccion polis a papia cu e señora di inicialnan S.P di 20 aña. E señora ta declara cu un tal homber di inicialnan B.A. a presenta na

su cas y a puntra unda su computer cu nan a horta ta. E homber B.A. a bay den direccion di e señora cu un cuchio. E señora a haye ta core drenta su cas, y cera esaki na lock. Pero e homber furioso a kibra un glas chikito y pa asina hinca su man paden y logra habri e porta.

Unavez cu e homber ta den cas el a drenta den un camber rebotea delaster un cos enbusca di 'su computer', pero e no a localiza esaki pa cual el a pasa man pa un telefoon celular.

Mientras e señora denunciante a sigui conta polis cu el a hay oblige di core bandona su cas. E homber tambe a sali pafor y a bay riba e señora, mientras mama di denunciante tambe ta tey y a bisa e homber furioso pa tene cuenta cu S.P. ta na estado.

Wel e homber B.A. tabata asina furioso cu e no por a controla su mes mas cu na dado momento a dal e señora S.P. mokete den barica.

E señora na estado a worde hiba Hospital pa worde examina y trata pa despues a pasa warda pe entrega denuncia serio na Recherche. Locual ta BA e lo worde busca pa duna cuenta di su hazaña na husticia.

Henny Eman

Laga nos voz resona

Algun dia pasa mi a trece padilanti cu cada uno mester tuma su responsabilidad pa e desaroyonan di nos pais. E apatia casi total cu ta existi den nos organizacionnan y nos hendenan ta un peligro sumamente grandi pa futuro. Cada un cu por mester duna su contribucion pa cambia e rumbo di nos comunidad. Ta bon pa mi enfatisa cu mi no tin ningun aspiracion politico mas. A base di mi propio decision mi a baha como lider di partido y como Ministro Presidente na top di mi carera. Mi opinion tabata cu mester habri caminda pa hobennan capacita cu idealismo y ideanan nobo tuma over guia di nos pais. Y esey a sosode. E team nobo bao liderato di Mike ta bayendo tremendo y ta e speranza di Aruba. Pero si cosnan sigui bay manera nan ta bayendo ora e team nobo tuma over no a resta mucho pa drecha mas. Cuatro aña largo pueblo a sufri bao di un gobierno cu a haya e mayoria aplastante. Den ultimo eleccion pueblo a castiga nan fuertemente. Miles di voto mas cu nan a haya a vota contra nan. Sinembargo caminda por tabatin speranza cu esaki lo pone cu nan lo cambia nan gobernacion esaki no ta e caso. E situacion a bira hopi peor. Mas cada uno ta ranca pa su mes y menos e interes di Aruba tin balor. E falta di respet pa organizacionnan, institutonnan y hendenan a bay por completo. Nan ta ofende Hueznan, miembronan di Ministerio Publico, top di Polis, top ambtenaarnan, profesionalnan y ken otro cu no ta haci loke nan ta desea. Hopi di nan cu tin capacidad menos cu mediocre ta ofende profesionalnan grandi cu tin tareanan cu responsabilidad serio den nos comunidad y nada ta sosode. Esaki mester worde para. No por ta asina cu pasobra oposicion ta actua tur dia pa mustra ariba tur loke ta bayendo malo cu hendenan no tin e brio pa tambe laga nan voz resona pasobra nan no kier lanta e impresion cu nan ta sostene oposicion.

El a haya cu su cuenta den bar tabata DIMAS

Politico Arubiano a haya golpi na Punto Fijo

ORANJESTAD (AAN) — Rumornan tabata core ayera cu un politico arubiano a bay Punto Fijo, Venezuela pa hunto cu su amigonan sinta wak striptease show y bebe na grandi pero ora cu e cuenta a wordo presenta sla a cay pasobra e politico no tabata kier a paga.

Ta wordo bisa cu e politico su cabeynan a reis ora cu el a wak e cuenta y e lo a bisa e waiter a la macho; 'Eso si es DIMAS' y cu e no ta paga e cuenta.

E waiter lo a bisa e politico cu En Aruba hay DIMAS pero aki hay 'De Pagar' y ey ta caminda cu e cos lo a bay for di man y cu wanta a bay skeiro unda cu e politico lo a haya sea uno of diferente wanta.

Problema entre taxista y turista

ORANJESTAD (AAN): Tabata pasa di 2' or di marduga, cu for di un Highrise Hotel a yega informe na Central di Polis cu a surgi problema entre un taxista y un grupo turista. Mientras tanto e patruya a yega na e Hotel y na unda a worde declara na polis cu un chofer di taxi a hiba poco turista na dicho hotel. Un parti di e grupo a baha, y nan a paga 13 Dollar pa e careda. E otro nan kier sigui den e Tai y bay na un otro hotel. Pero e taxista a bisa nan cu adicional nan tin cu paga 13 Dollar.

Wel esaki a pone cu a start
Sigui lesa Pg. 3

HEZBOOSHILAH!!

